



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-123/16

Sarajevo, 28.04.2016. godine

Na osnovu člana 69. stav 2. i člana 70. Zakona o javnim nabavkama Bosne i Hercegovine («Službeni glasnik BiH», broj 39/14) i člana 34. Pravilnika o javnim nabavkama roba, usluga i radova, glavni tužilac Tužilaštva/Tužiteljstva BiH donio je

O D L U K U
O PONIŠTENJU POSTUPKA JAVNE NABAVKE

- 1. PONIŠTAVA SE** postupak javne nabavke u skladu sa članom 69. stav 2. tačka d) Zakona o javnim nabavkama BiH za izbor dobavljača za nabavku motornih-terenskih vozila za potrebe Tužilaštva/Tužiteljstva BiH, po otvorenom postupku, koji je objavljen u „Službenom glasniku BiH” broj 25/16 iz razloga što primljena ponuda nije prihvatljiva.
- 2.** Ova odluka biće objavljena na internet stranici Tužilaštva/Tužiteljstva BiH.
- 3.** Ova odluka se primjenjuje od dana donošenja.

O b r a z l o ž e n j e

Ugovorni organ Tužilaštvo/Tužiteljstvo BiH je u skladu sa članom 18. Zakona o javnim nabavkama pokrenulo postupak javne nabavke za izbor dobavljača za nabavku motornih-terenskih vozila za potrebe Tužilaštva/Tužiteljstva BiH, a rok za dostavljanje istih bio je 25.04.2016. godine do 12.00 sati.

Dana 25.04.2016. godine, na sastanku Komisije za javne nabavke Tužilaštva/Tužiteljstva BiH utvrđeno je da je zaprimljena jedna ponuda i to:

- 1.** „HYUNDAI AUTO BIH“ d.o.o. Sarajevo

Ponuda je pristigla u predviđenom roku, nakon čega je Komisija za javne nabavke Tužilaštva/Tužiteljstva BiH, u skladu sa članom 63. Zakona o javnim nabavkama pristupila otvaranju ponuda. Prilikom otvaranja ponuda Komisija za javne nabavke utvrdila je da je zaprimljena ponuda bila uredno zapečaćena.

Nadalje, uvidom u zaprimljenu dokumentaciju dostavljene ponude za izbor dobavljača za nabavku motornih-terenskih vozila, Komisija za Javne nabavke je utvrdila da dostavljena ponuda ne ispunjava uslove iz tenderske dokumentacije, kako slijedi:

U traženim tehničkim karakteristikama za nabavku 1 (jednog) motornog – terenskog vozila navedeno je da se traži vrsta motora: dizel (Euro 6), a u dostavljenoj tehničkoj specifikaciji broj 16-600, u tabelarnom prikazu tehničke specifikacije izostavljena je cijela rubrika koja se odnosi na vrstu motora. Nadalje, u dodatnoj opremi tražen je „automatski dvozonski klima uređaj“, a u dostavljenoj tehničkoj specifikaciji broj 16-600 navedeno je „automatski klima uređaj“ iz čega proizilazi da ponuda ponuđača „HYUNDAI AUTO BH“ d.o.o. Sarajevo ne zadovoljava tehničku specifikaciju iako je Tenderskom dokumentacijom propisano da sve stavke u ponudi moraju biti ponuđene na način kako je definisano tehničkim specifikacijama.

Komisija je nadalje utvrdila :

- da se u Obrascu za ponudu iznos ukupne ponuđene cijene izražen brojkama ne slaže sa ukupnom cijenom izraženom slovima,
- da je u Obrascu za cijenu ponude izvršena ispravka ukupne cijene ponude izražene slovima bez navođenja datuma i potpisa pored ispravke.

Na osnovu svega navedenog, a u skladu s odredbom člana 69. stav 2. tačka d) Zakona o javnim nabavkama BiH odlučeno je kao u dispozitivu.

POUKA O PRAVNOM LIJEKU: Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 10 (deset) dana od dana prijema ove odluke.

